

Urbes sunt *Trapezus*, *Themiscyra*, *Amasia*, Strabonis patria, *Iconium*, & *Maza*. *Lycia* *Caria* proxima est, *Urbes* praeipuas habet, *Pataram* & *Telmessus*. *Pamphylia* sequitur solo fluvio *Cataracte* a *Lycia* divisa. In ea urbes fuere, *Sida*, *Attalia*, & *Aspendum*. Hæc cum *Cilicia* hodie uno nomine dicitur *Caramania*. *Cilicia* Metropolis hodie est *Hama*, veteribus *tarsus* dicta, *D. Pauli* patria, verus litterarum sedes ad amnem *Cydnium*. Strabo ejus urbis *Gymnasium* valde laudat. Est & *Opidum Adena* & ad *Taurum Montem* *Heraclea*. *Armenia*, minor ad *Euphratem* usque protenditur, ad Occasum vero terminatur *Cappadocia*. Flumina sunt *Iris*, qui nunc *Flumina*. *Casalmach*: *Halis*, *Ottomangiuch*: *Parthenitis*, *Dolap*, *Sangaris*, *Sangri*, qui se omnes in *Euxinum* exonerant. In *Propontim* fluunt, *Ascanius*, *Rhindacus*, *Asopus*, & *Granicus*: in *Hellespontum* *Simois* & *Scamander*, qui & *Xanthus*. In *Aegæum*, *Caicus*, *Hermus*, *Caistrus*, *Meandrus*, *Prusæo* auctore sexcentas flexuras faciens. In *Mediterraneum* postea *Calbis Xanthus*, *Limyrus*, *Cataractes*, alijque. *Maria* vero *pontus Euxinus*. *Mare Aegæum*, *Maria*. & *Pamphylum*, *Propontis*, *Hellespontus*, *scarium*, *Myrtoum*, & *Rhodiense pelagus*. Horum magna oportunitate utuntur, cum propter navigationem qua omnia necessaria advehuntur, & mercaturam: tum propter piscationem, quæ illis perutilis est. Montes habet celebriores *Horminium* in *Ponto* & *Mysium* qui & *Olympus*. Montes *Synnadicus* lapidicinis nobilissimis celebratos, *Idam* vetere *Divarum* cerramine & *judicio Paridis* memoratum in *Phrygia*: *Tmolus* auriferus in *Lydia*: *Argæum* in *Cappadocia*: *Amanum*, nunc *Monte Negro* in *Cilicia*, *Montes*. in quo celsæ crescunt *Cedri*, *Iuniperus* major, & *Mons Sabina*, qui etiam varijs abundat *Plantis*. Sunt & *Dindyma*, & *Mons Chimæra* ignivomus perinde ut *Aethna*, cuius *flamma* teste *Plinio* affusa aqua excitatur, fœno autem extinguitur. *Tauri Montis* jugum est cujus hoc loco initium fumunt colles: in ejus cacumine *Leones* habitant: in medio autem propter lata pascua *Capræ*, & in radicibus *Serpentes*. Vnde *Poeta* monstrum fingunt *flammas* evomens, capite & pectore *leonino*, caprino ventre, & cauda *Draconis*, ad quod tollendum missus erat *Bellerophon*. Sunt & alij, ut *Antitaurus*, *Scordiscus*, quos brevitatis gratia omittimus. Ad *Opera publica* venio. In *Ionia* fuit olim in urbe *Epheso* templum *Diana* toto *Orbe* tum celeberrimum tum magnificentissimum, inter septem *Orbis* miracula numeratum. Multa etiam hic *Xenodochia* sive *Nosocomia*, illis *Carbachara* appellata. Nulla vero in ijs *Provincijs* quæ *Turcæ Imperio* sub sunt *diversoria*, aut loca quæ iter facientes excipiant, sunt, nisi publica illa ædificia: quæ diversis rationibus exstructa fuere, inter quas hæc maxime usitata. *Satrapæ Turcici* qui opulenti evaserunt, pium aliquod opus dum adhuc in vivis sunt facere volentes, tales *structuras* zelo quodam fieri curant: nam neminem sanguine junctum norunt, cui beneficium aliquot præstare velint. Talibus ergo *structuris* summum aliquod bonum se facere existimantes publicæ utilitatis gratia, multa egregia opera restitunt, veluti elegantem aliquem *Pontem*, vel amplum *Xenodochium* *Carbachara* dictum, cui magnificum aliquod *Templum* adiunctum sit, & huic proximum *Balneum*.